



10.05.2023

UPA2023/65
Paneeraq Olsen, Naleraq

Kommuunit piffinni pinaveersaartitsinermut immikkoortumi anguniagaannut ikorfartuisus-sanik, Peqqissaanermik Ilinniarfiup ataani pinaveersaartitsinermik siunnersortitut ilinniartitaanermik pilersitsinissamik Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Agathe Fontain, Inuit Ataqtigiit)

Naleqqaminngaaniit siunnersuuteqartumut Inatsisartunut ilaasortamut Agathe Fontain, Inuit Ataqtigiit siunnersuuteqarneranut qujarusuppugut.

Ukiut arlalippassuit pinaveersaartitsinermut siunnersorteqarneq (ilaasa taasarpaat pitsaaliuiunermut siunnersortit) ukiuni arlalissuannngortuni kommunini akisussaaffigineqarluni ingerlanneqarpoq. Illoqarfinnili annerusumik pinaveersaartitsinermut siunnersorteqartarluni ataasiukkajuttumik, nunaqarfinni pinaveersaartitsinermut siunnersorteqarneq MIO-up nittartagaa malillugu Qeqqata Kommuniiani nunaqarfinni sisamani taamaallaat pinaveersaartitsinermut siunnersorteqarluni. Kommunit nammineq pinaveersaartitsisut qanoq ssuliaqartissanerlugit aalajangertarpaat taamaatumillu nunatsinni pinaveersaartitsinermut siunnersortit ataatsimoorussamik attaveqaratillu ataqtigiissarneqanngillat.

Tunngaviusumilli suliarineqakkajuttarput meeqqat atuarfiani paasititsiniaanerit soorlu imigassamik atuinerup, aangajaarniutinik atuneq naamaarneq timimut qanoq sunnittarnersoq. Ukiunili kingulerni timip peqqinnerulernissaanut saakkiartorsimaluni soorlu ullumikkut kommunit ilaasa suliniummumut Aalasa-mut isumaqatigiissuteqarlutik ingerlakkaat. Aammalu Namminersorlutik Oqarlussaniit Inuuneritta-kkut suleqatigiinnermut isumaqatigalugit suleqatigineqarlutik.

Pinaveersaartitsinermut suliniutit ukiuni arlalinni ingerlanneqaraluartut ajoraluartumik ilaqutariinni ajornartorsiutit annertuut suli piupput.

Uani siunnersuummi pinaveersaartitsinermik siunnersortitut ilinniartitaanermik pilersitsinissamik oqariartuut sumiiffimmilu pinaveersaartitsinermi suliannut ikorfartutaasussanik Naleqqamiit isumaqatigaarparput siunertalimmi, pinaveersaartitsinerlu pitsaassutsimigut qaffassassagutsigu siunertanut tulluarsarlugit ilinniarfissaannik pilersitsisoqartariaqarmat. Nunaqarput isorartooq pinaveersaartisut sulinerat tunngavisumik assigiissartariaqarpoq pisinnaasamiknullu sakkussinneqartariaqarlutik.

Taamaattumik Naleqqaminngaaniit Naalakkersuisut allannguutaat isumaqatigaarput Peqqisanermik Ilinniarfik suleqatigalugu pinaveersaartitsinermut siunnersortinut ilinniarfissamik pilersitsisoqartariaqarmat.



Naleraq

Naleqqaminngaaniit kissaatigaarput Inatsisartut Ilaqutariinnermut Peqqissutsimullu Ataatsimiititali-
aanut aalajangiiffigisassatut siunnersuut ingerlatinneqassasoq.